

大清光緒廿五年

本館新聞除禮拜外日出一  
紙諸君賜閱本報者無論  
本埠外埠均可函致本館取  
閱如外埠閱報加寄費不  
也除日報外常刊送外復不  
惜工本從英國採辦釘書裁  
紙各機器以待與各官紳  
刊印書籍單件並有英法各  
體活字及各式花邊等延有  
西文排印工藝甚精所有中  
印文字均能刊印並精工刊  
印字大小機器均用精工刊

第五千三百廿一號

# 報 叻

(號七第牌門口虱巴舊在設開館本)

印工級絕倫並延有文士書  
寫各體文字現由上海購到  
各種書籍出售其書目另行  
刊佈所有各項價甚相宜再  
本館所登來札原擇其有關  
世道人心者附登否亦須無  
礙於人而後始錄其有謾罵  
成文以及支離費辭者概不  
登錄嗣後諸君來札尚祈  
自諒更須寫實里而後敢  
登但來稿登與不登均不能  
將原稿收回也 本館謹白

己亥七月廿三日

每張售錢五文 告白每日每字一仙 (大英一千八百九十九年八月十八號一拜) 每份售錢半 每日出每字二仙 行核

招僱花傭 ○啓者茲有人託覓花傭一名其人須熟悉種植花木等事方能合用又欲僱用園丁一名以上兩人均須不吸洋烟者方合如有欲承斯乏者請至本館面商可也此佈 本館謹白

添請採訪人告白 ○啓者本館近擬添請採訪人一名其人須熟悉本坡各事宜及通方言并須畧諳華文方能合用 諸君願承斯乏者請至本館面商可也 本館謹啟

本館告白 ○啓者本報向於每日早晨分送本坡 各寶號有賜閱本報者如有漏送之處懇即前來通知或惠函 示知俾得補呈是幸 本館謹啟

### 論報効非國體

國家定鼎三百年率土臣僕受 朝廷恩澤至優且渥况身列仕版食君厚祿蒙國寵榮詎不宜一出私囊一濟庫藏之支絀雖曰一人所出自一萬至十萬或二十萬究屬有限無補國是然果內外大小臣工悉能殉公忘私毀家紓難則天下之大中國之富尙不難驟增數千百萬爲部庫歲入之一大宗而無如積習相沿以官爲賈遇一肥缺則鑽刺營謀無所不至雖至費棄鉅萬金錢亦所不惜以爲吾果得斯缺則到任一年即不難本息俱足再任數載則雖不能超遷或竟被議去官而厚資獨擁網載以歸即可面團團作富家翁且嘗出任忝列縉紳故巧於賈者無有過於捐官者也今以餉絀之故剛中堂奉 皇太后之命赴兩江查辦一切百官端端由是各視其力每歲報効銀若干萬集腋成裘居然得款二百萬可謂鉅款矣夫以各官身處優缺但知盡入私囊而不顧公家之急自非勒令報効鉅款不足以警其徇私之心然吾謂報効之說所以警貪吏則可若竟據爲國家歲入定例則殊非崇尚體制道也蓋報効者下所以奉之上也今則明月上令諸下乃所以抑勒之非出其本心之所願也且缺雖優一年所入必有多寡警農之於田豐年與歉歲其所入必有異也今報効之數定爲常例加以官之迎合上意欲以報効之多自見殷勤而不顧其一歲所得寔不能有此數由是不得不力爲搏節以求免於賠累而衙中一切書吏辦公之費工食之費無不格外刻扣矣刻扣之不足并有勒令報効者矣甚有驚獄以自肥者矣其書吏人等不得公費工食又不濫榜腹以辦公也則所以自肥以長子孫者已不言可知而謂官得而禁之耶今雖報効之始其勒令書吏報効及驚獄自肥之舉固尙無所聞而其格外刻扣以求免賠累則固必然之勢也吾謂中堂此舉雖急爲籌餉起見而仍不免蹈掩耳盜鈴之陋習上傷國體下厲百姓而於實際仍絲毫無補兩無所得也吾謂中堂果欲杜中飽則弊竇宜下札司道府及各州縣各厘局委員令將一歲所得若干開支若干入公若干入私囊若干一一據實呈報不得有私違者叅處其缺之苦者出入相抵無庸置議外其缺肥而入私囊厚者則視其開支之數優給一成或二成餘悉涓滴入公不得自肥亦不得別生枝節以病百姓而養廉俸銀不妨一概裁撤如是則於國家體制無碍而鉅款可久不致遺外人以口實不然報効美名也而西報所紀若甚置不滿之辭者何也則剛中堂以抑勒得之若爲官吏差役所應有而公家強取之者然也吾故曰報効非國體也

### 美電譯登

中國各口岸查閱美商貨運之局究竟係因何故以至日遜一日該使接奉廷諭後即擬乘坐美國戰船浮憐士打温前往各地詳查矣


### 英打電音

○本坡實得力太晤士西報接二十日英京來電云打蘭士目總統拘呂惹所覆理藩院大臣占勿蘭之公文經已寄至英京惟文中所述之詞英廷甚爲秘密外間概無由得而知之然據急打羽因來電則云昨電所述文中大概情形則係的確之耗至拘總統向英所請則謂此次加增岷權更改政務而後則英國須將管轄該國之內政權俱爲弛去云云所請如此諒英廷實有不易允從也同日來電又云英國棉者士打之陸軍現已馳抵急打羽因境內二十一日來電云現在查知打蘭士目及烏連芝不里士達兩國於近三年來廣購軍火運至國內其數甚夥故諸英人之意則云若英打之事果能重行訂約則約內須聲明該國所儲軍火不得至如此之多來電又云現在柔韓士目都下情形則甚爲可慘每遇火

賣出酒密


賣發酒蜜烏

售發廚鐵名馳



嘗思養生之道所最要者則惟數簿其次則惟銀兩然必須有以善藏始無意外  
此本行鐵廚所以為 諸翁之所共賞也啟者本行所賣之鐵廚久已馳名於東  
方一帶而於叻坡則聲名尤著至本行購賣此等鐵廚已有三十年之久其製甚  
為堅固保能避火且其鑰匙甚妙斷非盜賊等所能開計其廚全身均用鐵製成  
並無雜以木料且諸廚自前  
至今均為一式堅固耐用有  
優劣之分至於各廚大小不  
一而價值則約一百元至四  
百元凡用之者可保其不礙

焚燒即火災亦無所損本行之鐵廚實為叻坡諸華商  
所喜購而本行每年所沽亦殊不鮮茲特為之錄佈倘  
臨選購為盼 大英一千八百九十八年正月一號  
大清光緒二十三年十二月十八日



諸君有惠顧者祈即玉售

明嗎也洋行謹啟

出品



啟者本行督辦歐洲馳名三品洋酒來叻發售  
其酒係白頭款式發售有年沽飲 諸君莫不  
稱其香美奈近有無恥之徒假冒本庄三品酒  
款式以圖魚目混珠情殊可恨嗣後 諸君購

買本行白頭三品酒者請細認本號招牌之內  
有小紙包頭註明華字新嘉坡級明嗎也公司  
者始真若無此字樣即屬偽冒請為細認特此  
佈告 大英一千八百九十八年正月一號  
明嗎也洋行謹啟

啟者本行向由英國督辦各  
種美酒來叻發售久已遐邇  
馳名茲復由英新辦到顏爾  
士斗雲字號之狗頭票烏密  
酒到叻應沽此酒香美異常  
不惟飲之可口且能保養精  
神調和血氣常飲令人不生  
疾病誠酒國中上品也 諸  
君光顧應細看以上所列之  
狗頭標庶不致誤且價甚相  
宜倘 諸君有欲酷飲者請  
至本行取用可也此佈  
英一千八百九十八年正月  
一號 光緒廿三年十二月  
十八日 明嗎也洋行謹啟

敬啟者茲本公司親由法國督辦頂上好萬蘭池  
酒來叻發售其酒清香濃郁醇厚異常飲之誠可  
令人長血氣壯筋骨悅顏色妙美無窮今市上所  
有萬蘭池酒無有能出其右者誠佐饌中妙品也  
酒惟本公司一家沽出餘無別家出售 諸君光  
顧請細認蜂窠標頭為記並細辨香味方不致誤  
價甚相宜倘有劉伶之癖者祈早至 惠臨購買  
是幸  
大英一千八百九十八年正月一號  
光緒廿三年十二月十八日 明嗎也洋行謹啟




售發椅國美到新

啟者本館新  
到花旗椅五  
十羅申價甚  
相宜計分數  
等每羅申價  
由十三元至  
二十五元  
諸君有欲採  
辦者祈到本  
館觀看可也  
大英一千  
八百九十  
九年正月  
十九號  
巴越館主啟

啟者茲本行由歐洲辦到上等蜜酒來叻發售其酒甚佳茲將標頭  
印出 諸君光顧祈為細認免致有誤近聞有無恥之徒假冒本行  
鎖匙標飲希圖魚目混珠最堪痛恨今本行再行核定於酒樽木枳  
內加鐵烙鎖匙形以示分別倘 諸君有知何人假冒請到本行報  
明即謝花紅銀二百大元經官訊定即能給發斷不食言再此酒不  
能販往 加勝巴 三寶瓏 泗里末 望加錫 檳榔嶼 日裡  
等處其他埠均能運往並此佈聞  
大英一千八百九十八年正月一號  
光緒廿三年十二月十八日

明嗎也洋行謹啟



承頂承明 ○啟者小坡米芝律街門牌第一百六十七號美利興記王製出水雜貨生理原係鄭欽合柯芝合開創茲因兩人志圖別業願將該號王梨園及雜貨生理以及店底家器全盤拍與榮裕昌號承頂任從承遠經營倘從前美利興記之鄭欽合柯芝合有欠諸寶號以及揭借滙對等情限至一禮拜內可到榮裕昌號取領過期自誤不干承頂人榮裕昌號之事特此聲明以免後論  
光緒二十五年七月十九日 榮裕昌號謹啟

退股聲明 ○啟者余陳永良前用昌遠堂號在牛車水大馬路德安號綢衣及打金店所佔之股份經於本月十七日退出彼此兩無干涉日後德安生理盈虧以及一切往來數項均與余昌遠堂陳永良無干特此聲明  
光緒貳拾伍年柒月拾玖日 退股人陳永良謹啟

醫道昌明 ○啟者余久患內傷痰火之症已閱年餘中外名醫延請甚眾迄無所效嗣聞源順街源成興號內 昌金鑑先生素精醫學因延診治刀圭甫奏即獲神效治之匝月竟慶霍然神乎先生之技洵可謂三折其肱矣余受 先生之德無以為報爰述數言附登報牘亦聊以誌感荷弗諼之意云爾  
光緒廿五年七月初二日 小坡豐隆號游錦理謹啟

和緩再生 ○儒醫陳紫波先生今之盧扁也品端學粹技擅岐黃客歲賈於叻中寄寓十八間後裕和布店人素仰其醫術多求診治活人甚眾今春家慈偶患癱病失於調治即變奔豚漸而反胃噎膈寒厥諸壞病次第而見中西名醫盡皆束手學室徬徨嗣聞友人談及先生醫學精純究心靈素久探石室蘭臺之秘而治病尤得長沙心法非承家技襲方書者所能望其肩背余聞是說即求診治 而先生論病如見刀圭數奏即獲奇功今已得慶霍然喜占勿藥信乎先生之技可謂照澈洞垣矣且先生醫品其端其治病也并不向人苛求惟以博施濟眾為志仁人利溥 先生有焉蓋先生固儒而醫者故非尋常可比也余承 大德報答無從爰畧其醫治家慈一事附錄報中俾求醫者知所趨向而已若云為報則固非先生之志抑亦豈余之志也哉  
光緒廿五年七月初九日 十八溪壩萬成順號沈雲石敬頌

嗎也火船開行日期 ○啟者本號茲有新造輪船一艘名曰嗎也堪載萬餘担堅固快捷茲常行定期每逢禮拜二動輪前往文島巨港等埠倘 諸商有欲配貨及搭客者請到利亞美刺實得力門牌第九號即法國西廊郵船公司對面本號相酌便妥并有一號二號房位格外潔淨及有大艙位廣闊伙食茶水公司俱足價甚相宜特此佈 聞  
光緒二十五年七月初七日 福盛號謹啟

多惹 啟者本行現由歐洲多惹士著名工廠寄到所製之頂上白漆發售此等漆料較諸各家所製之極品白漆未嘗稍遜荷蒙英國國家及素著聲望之製造家并本坡各船澳時常購用莫不盛稱其妙因其物料既精製作既善而價值復廉故也 諸君有欲購買大起者可至本號駐坡代理人巴智申西疊洋行選購如係購買零星者則至本坡中西各索路店均可 諸君光顧請認多惹士字號方不致誤特此佈聞  
大英一千八百九十九年六月三號 巴智申西疊公司謹啟

頂上 啟者本行現承歐洲赫赫著名酒廠之命為駐叻代理人售賣知知威實基酒 T. T. Whisky 此酒每箱十二枝計銀八元二角半 每桶十五牙蘭每牙蘭計銀三元五角 又有頂上舊庄葛智里勿蘭威實基酒 Colley Blend Whisky 發售此酒每箱十二枝計銀九元七角半 以上兩項均係歐洲著名美酒氣味香醇濃而不燥且能消暑醒胃解渴除煩保養精神怡悅顏色在於南洋各地常飲此酒更屬相宜 諸君賜顧請移玉駕臨本公司選購可也特此佈告  
大英一千八百九十九年六月三號 巴智申西疊公司謹啟

懷珍狀師代理荷蘭訟務告白 ○啟者茲有荷蘭狀師懷珍君抵叻在於本坡創設寫字樓與人代理南洋荷屬各地一切案情凡屬地諸君若有案件與荷屬之人交涉者大而命盜訟案以至錢債虧逃一切轉轉諸事以及造字訂約等項均能代理蓋懷君於加勝吧 泗水 三寶瓏 望加錫 巴東等處均有同伴分駐料理凡諸案件可以無庸本人親往實訊即將此案掛砂懷君自能無誤其力與娘打字相同諸君賜教請至末打厘路第六號號門牌相商可也特此佈聞  
西一千八百九十九年四月五號 光緒二十五年二月廿五日 一三 集文齋林米達 李長辰同啟





車出境則附搭者如蟻聚將擠直至無位可容此諸人等皆因恐有爭戰之端故預為避難之計也至諸土人之為礦工者現均不遵約束大有  
思亂之意事勢如此亦甚可危矣

決意收盤 ○深悉實得力保險有限公司之司理人等現經決定欲將該公司收盤歇業即將其寫字樓及店底傢私等物頂與英國  
南方保險有限公司承受該不日即當邀集各股份人會商此事矣

併和有策 ○意大利苦力士比倡天下平策曰所欲天下和平策惟有一策其策為何則合歐洲為大合眾國而已若歐洲能如北米  
之合眾國以為共和併邦國則可以息人種種情忌與國家之敵愾絕商賈之爭競乃能使天下長保平和之局也

索取逃人 ○專說中國駐英美兩欽使已向兩國外部商議請其國家將康有為送回兩國外部答曰此事自可遵辦惟彼之身命能  
保無關礙否使臣即云必可保無礙又聞榮中堂時托人召選適居外國之某人至北京聞某人尚未允

地價紛爭 ○俄人在營口欲推廣地界擬購大屯地段為德人所捷一節礙紀前報近日德領事持行來營與關道商辦此事在關道  
之意欲更俄人從緩購買則德商老克之念或可少息某日關道及德領事愛君同備譯官古君並邀同俄國鐵路公司總辦紀道夫君在東官  
廳會議冀俄德兩國可以通融辦理故明觀察特飭官廳委員預列四坐陳設烟茗以示敦睦之意詎德領事到後即巍然高坐目無旁人比及  
俄總辦紀君至德領事視為不速之客且以其官卑望淺不與同席任其側坐先是俄人頗有通融辦理之意今在大廷廣眾之中忽為德人  
所輕藐忿不可言遂遂堅執前議必欲購買並照常置關道亟為調停老克堅以所立契為憑俄人則謂既無地方官關防應即視為偽契况所填  
之地價從無若是之昂因之相持不下明觀察左右為難不能以口舌爭勝而德領事實有意挑激俄人逼其必出重價購買於是譁議良久悻  
悻而散聞彼時有某委員欲代關道置辯甫發一言即為德領事所叱咤屏諸階堂之外眾皆側目云

客將東來 ○英國有主議英日聯盟之員必烈司夫華渡氏去日本未幾又有主議聯盟英日事者來為自由黨議員白而敦氏也日  
前乘英艦抵橫濱現已謁見伊藤大隈山縣諸老演說外交之孰利孰害而爾我之宜同盟以抑制俄又言在貴國游歷之後當赴朝鮮走旅順  
過大連上北京而折至上海香港等各地遊覽云

意事復燃 ○神戶報接北京西八月消息云本月三號意國使臣知照總理衙門現又復議索地一事意國所欲索者松門灣鐵路及  
開礦三事觀此情形中國若許其一意亦如願矣近日意使與意廷往來電音頻仍每大有千餘字

時事彙記 ○日本山縣首相有辭職之說或有謂與伊藤前相意見不合所致未知確否○自基隆澎湖島建築炮臺後本月一日又  
議設支部炮臺一座云○中國漢口廣東鐵路資本已向美國同盟會商悉歸美辦其契約業已互相鈐印矣○俄國政府此次費銀二十萬塔  
拉 每塔拉合中國銀五六兩 向美國購買各種大炮軍器云

匪黨復亂 ○傳聞余蠻子有復亂之說蓋因教民回鄉部署家務余匪黨人皆以教士滋擾告余聞之遂請假省母既至家有同黨七  
十人復作亂鬧教被官兵拿獲二人置之法余匪即令禁錮以防後患

查勘要隘 ○閩省長門口一帶炮臺林立自光緒十一年法亂擊壞後復加修葺或於險隘處添築暗臺或於營地改造活盤不獨用  
以防敵且可便於攻敵至今一律鞏固實為閩中屏蔽現許節帥尤恐防備不週派員分赴口內外履勘何處險要為兵輪必經之地應否再設  
炮臺以扼其要聞某員勸舉覆以崖石地方為口內咽喉若添築暗臺一所可阻敵船出入但工程頗鉅籌款不易云云節帥得稟又派夏明  
府廷獻暨李二尹藻同赴該處勘估以便籌有的款即當興工營造也

福州風汛 ○有由福州海晏輪船抵滬者述及前禮拜兩日福州大風船隻屋宇破壞不少居民咸謂數十年來所不數見港中  
所泊之沙船多艘又小輪七八隻均遭沉覆而城內外房舍亦鮮有不坍塌者風力亦猛矣哉

言鳥鳴冤 ○鸚鵡心靈舌慧善言故謂之言鳥音之既馴對月生姿臨風試語亦耳目間之娛也若夫對使者而問安憑故人而傳  
語其戀戀於舊主而不放或忘者則又不得以微禽薄之也至於黃壤沉冤起井中之枯骨錄衣錫籠傳架上新聲其所謂感恩而知義者求  
之人而向不可多得則更不得以微禽薄之也頃承某友來信言漳之詔安邑倪某者作客於呂宋有年矣蓄有贏餘遂歸置室家以生計在外  
不得放心數月後仍裝束就呂宋年來以土匪之滋鬧生理維艱計不如家鄉株守之為得乃收拾滿載而歸比抵家則其妻固已養一副婿矣  
恐為倪之所覺也遂陰蓄殺倪之心而未有其便適倪於前日以事往廈數日而返船抵港時已更深倪乘夜歸妻俟其睡熟與姦夫共絞之昇  
其屍以巨石投之港鄰無知者後以其久不歸遣一价往詢廈門某號答以某日搭某船回家妻得信遂赴縣投告縣令亦無從辦起適倪有乃  
族叔老成人也見其平日行徑久有疑心遂往探之倪素畜一鸚鵡慧而善言置之臥室意不忍遠離也倪遇害惟鸚鵡知之而不敢言至是一  
向倪叔一述之即以其言訴之令遂以鸚鵡對證親訊數堂今案尚未結云

教案又起 ○江西貴谿縣屬潭潭司有燒毀教堂毀辱教士之事現貴谿縣楊協庭大令已據情上稟省憲矣

閩省捕匪合記 ○南海羅格圍之賴沙鄉羅姓人與吉洲沙關姓人械鬥閩省人怨不敵眾稟請閩都戒調嚴緝勇來鄉保護駐紮

閩省捕匪合記 ○南海羅格圍之賴沙鄉羅姓人與吉洲沙關姓人械鬥閩省人怨不敵眾稟請閩都戒調嚴緝勇來鄉保護駐紮

閩省捕匪合記 ○南海羅格圍之賴沙鄉羅姓人與吉洲沙關姓人械鬥閩省人怨不敵眾稟請閩都戒調嚴緝勇來鄉保護駐紮

閩省捕匪合記 ○南海羅格圍之賴沙鄉羅姓人與吉洲沙關姓人械鬥閩省人怨不敵眾稟請閩都戒調嚴緝勇來鄉保護駐紮

閩省捕匪合記 ○南海羅格圍之賴沙鄉羅姓人與吉洲沙關姓人械鬥閩省人怨不敵眾稟請閩都戒調嚴緝勇來鄉保護駐紮

閩省捕匪合記 ○南海羅格圍之賴沙鄉羅姓人與吉洲沙關姓人械鬥閩省人怨不敵眾稟請閩都戒調嚴緝勇來鄉保護駐紮

閩家祠詎羅姓人大隊掩至碎將祠堂圍困其勢洶洶靖勇目親情形急將祠門扁閉并升旗於瓦面召收附近之安勇馳至爰應被羅姓人攻  
擊傷斃靖勇二十餘人受傷五十餘名安勇斃命者二人受傷者十餘名此初六日事也迨經官紳稟報省憲譴官保深為震怒以該疾人如此  
強橫傷斃多軍儼同謀亂隨委劉淵亭軍門調撥福軍三營會同南海縣楊明府併飭鄭惠霖副戎環潭浦遊戎帶領安勇大軍馳至圍捕各營  
官軍業已先後抵鄉相機剿辦昨由友人探悉所有安靖兩營勇受微傷者在營調醫其傷重之勇共二十餘名已於初九日載運回省往博濟  
醫院醫理至各營官軍抵境時其船泊於該鄉外河傍但見旌旗招展風威風殊令人望而生畏惟羅疾人見大兵已至均伏匿不出鄒副戎  
立傳羅族人至當面授以機謀并給號帶五百巾令其與羅族人挑戰但交鋒時各人各求號帶為記如無束帶則我軍殺之亦可無怨也羅疾  
人遵諭唯唯而去遂於初八晚如法往與羅姓人尋戰其安勇則佈成陣勢要截之羅族人自料難與抗敵退守高壘負隅自固未與交鋒羅姓  
人發槍擊入亦無動靜勇等亦未敢輕進初九日有安勇小隊潛至村外深聽消息隨在草寮小屋拘獲勇婦數人回營訊悉三人均羅姓內一  
名已有受傷乃當日與官兵對敵者鄭副戎令將三人綑縛清出軍令押往河灘就地處決將首級懸竿示眾棄屍郊外其老嫗二口小販某甲  
一名訊無關涉當即釋放現羅姓人固守不動官軍亦未便深入內地惟有設法相機進步而已

談之色變 ○廖屬德德港地方近有巨虎一頭出沒無常每至夕陽西墜之時潛至居民結社處先將六畜啣去以致居此者咸懷戰  
栗日昃即不敢往來月初有穆拉油童子名士蠻年方十三歲由舅氏家而返行至中途亦遭虎口數日始知其家人往為尋獲遺屍草草埋掩  
從茲居此者更覺寒心日前有潮人陳某來叻僱有粵籍獵師黃亞賓及李亞光二人均有暴虎之能隨陳歸去二人踏明虎跡暗設陷阱於要  
置隘羊其內以餌山君十六夜該虎竟作不速之客深墜阱中乃得設法將虎活捉以木為籠云欲來坡改購鐵籠再運來叻發售

案經省釋 ○昨報檳榔輪船由龍來叻有火夫一名途次赴水幸被救回一案茲悉該火夫於廿一日經已送至府堂審訊據其自言  
時因畧沾微恙足力鬆浮故被人擠落水中并無別故云云府尊訊畢以其情尚可原因命將其釋放

逃竊巨贓 ○麻殼士輪船昨由吉隆抵叻而本坡源順街同興號有錫錠二百餘條附由該輪載來迨到叻後即經該號飭伴僱令  
大船及半蓋艇各一艘往起此錫迨起畢後該半蓋即先馳返而該號之伴則俱在於大船之內詎至大船抵岸之時竟不見半蓋之踪跡登即  
四處查訪始見此半蓋泊於芳林巴虱港內船中之錫業已杳然即舟人亦不知其去向惟一空船而已當時又據該號之伴在小坡鐵巴虱前  
遇見該半蓋之榜人乘一手車如飛馳去追之不及查此半蓋所載錫錠計共九十六條每條約重六十斤合而計之共至五十七八担之數核  
其所值已不下五千元然據偵報者云此半蓋駛至甘公麻六甲港傍已經起卸一次係以華人所御之馬車載運并有其黨四五人相與搬取  
嗣又在金聲橋下起運一亦有馬車二三輛為之載運并聞其起運之時甚為倉猝有錫一錠落於水裏亦無暇於取回此其惶遽情形可  
以想見矣噫叻地近來盜風熾極劫竊之件姑作別論即登起貨一事陸運則有牛車之作弊而水運復有此等弊端然則旅叻商人尙復何堪  
營運耶夫此等鉅贓甚不易於竊取蓋事起倉猝何處得而窩藏且起卸載運在在需人斷非一二舟子所能辦得蓋其中必有人為之窩庇指  
使早已佈置妥當而後能如此安詳總之司捕務者若能留意於此而根究之則此案終不難於破獲若其悠忽處之不能破獲則商民復何所  
恃吾恐諸商因而裹足而地方商務即有不可問之虞矣為民上者其留意焉

住眷被劫 ○廿一晚六點餘鐘有口操粵音強盜六名各以烏布包頭或墨糊其面往牛車水碩莪街第廿一零五號門牌樓下粵人  
何昌盛家內行劫是時何妻某氏及同居女伶大妹二妹并傭婦等因見諸盜各抽利刀在手嚇禁不敢聲張盜以二人把守前門餘四人入何  
妻及大妹房中劫去金器銀項衫褲計值三百九十餘元諸婦女不敢聲叫恐被所害何之屋後有一門透出乎濟廟活江會館諸盜得手後由  
此門過廟逃逸時為廟祝聞人何泉所見而大呼有賊不意一盜抽刀奮刺致傷何之頭額復再刺傷其臂何痛倒在地諸盜魚貫散去後由失  
主何昌盛及何泉二人到差館報前情何泉受傷頗重送往西醫院調治云時當入夜仍未掌燈且該處係屬熱鬧場中盜等乃敢公然劫物  
傷人未免披猖過甚

抱恨輕生 ○粵籍梳篦陳氏年約不惑雖徐娘半老風韻猶存氏藝頗精故勾院中人無不樂為僱用以此多年囊積出數百金置有  
搖錢樹一株名瑞香寄在某私窠作皮肉生涯約兩月餘矣月之十五夜瑞香私約某狎客託言外出看孟蘭勝會氏不知其詐而許之瑞香得  
學婦娥奔月故事已隨有情人成茲眷屬矣氏以瑞香更深不返托人尋覓香踪杳然氏念人財兩空遂染失心之病逐日出門尋訪亦屬無踪  
月之廿一日下午到瓊州會館前海灘竟欲投到水晶宮向龍王訴苦幸有二三女伴聞風趕到將氏挽歸終不知其性命何如也

拋夫別子 ○閩人洪某在賽馬場前開設什貨店娶再醮婦黃氏為妻已生一子名喚天成年方五歲於去年十二月間該店倒閉洪  
將家屬移居淡申路寄居伊弟之家嗣氏不耐貧難逐日與洪嘈鬧洪本有李常之懼平日已畏氏雌威睹此情形更覺不堪其擾十八日乘氏  
不在急携伊子天成來坡氏至晚回家不見伊夫并子慌向洪弟詢問據說來坡豈早氏急按趾值尋香無形影嗣聞洪已携子附搭某輪船東  
渡不禁望洋呆立泣下沾衾無奈將情到附近差館報聞存案

案中有案 ○二十一日巡理府左堂胡太守提訊昨報暗牌總差帶同第五百十八號第五百三十六號第六百一十一號三暗牌華差

將家屬移居淡申路寄居伊弟之家嗣氏不耐貧難逐日與洪嘈鬧洪本有李常之懼平日已畏氏雌威睹此情形更覺不堪其擾十八日乘氏  
不在急携伊子天成來坡氏至晚回家不見伊夫并子慌向洪弟詢問據說來坡豈早氏急按趾值尋香無形影嗣聞洪已携子附搭某輪船東  
渡不禁望洋呆立泣下沾衾無奈將情到附近差館報聞存案

往丹戎隅地方廿公內向獲閩人呂盾呂怡士續拘呂宇呂牙陳藍黃廟王怡李心計八名一案事因去月廿九夜穆拉油人心靈破人在加東海面殺傷斃命疑屬伊等所為詎呂盾呂怡士二人亦復請票拘獲穆拉油人名嗎據稱是夜被嗎等切去魚網數張等語府尊判兩案俱限三十日再訊呂盾等不准署保

府案例登

廿一日巡理府是訊美芝路捕房第四十號二書差請傳訊票計七起控告小坡碗店街諸店戶據稱諸碗店之貨箱磁器堆砌街道有碍行人車馬往來云云府尊判各罰銀三元○又訊第一百十八號巡差冊二十號十二點鐘在小坡新街當值看見粵人黃亞振等數人在街道大吹大擂奏樂喧然余近前查問詎黃並無憑照有違例禁府尊判罰黃銀五元○第十四號英差據線人報到小坡勞美街第一百五十六號門牌東洋車館有人賭博英差持票帶全全隊幹差往為拘獲福清人十五名同犯抹牌之賭府尊判各罰銀二元○穆拉油人亞末二十日下午三點鐘到小坡大馬路第二百廿三門牌長和號故衣店購買衣裳乘人不覺偷去花布襪一條直銀一元得手沈遁忽被店伴葉某撞見立呼第九十八號暗牌差拘獲亞末送案府尊以此案証顯罪無可貸判罰亞末監禁十四日為小食者戒○車夫閩人洪強控告吉靈人宇汝俾芝據供日牽手車為生廿一早七點鐘宇僱余之車由十八溪墘往吉靈街再往甘公麻六甲該給車直一角詎宇只還五仙并欲逃走余與理論以被持強兇毆以致打傷左腿青腫呼捕拘宇送案請究云云府尊判謂宇有兩罪一為還車價不足行兇毆人罰銀五元再另罰銀一元零五占補回洪之車稅及養傷之費○吉密童子上俾請票拘獲穆拉油人各務據稱住東陵路第六十九號門牌月初七日被各務騙去僻處欲行雞姦余不肯從他竟用強余急高聲呼救他始懼而逃去云云各務務請仕都越狀師代訴府尊訊問一次限廿八日再訊

更正

昨報閩人吳教友紀隆因犯盜案各判入獄兩月一節茲再查確兩人共犯兩罪一為行竊一為窩匪每罪罰令繫獄六閱月二共監禁一年充作苦工示警

續欽憲剛遵

旨查覆江南鹽運道胡恭案摺 ○原奏私買鄂岸鹽票兩張營運謀利一節查運司衙門冊案存有該道移請扣運鄂岸交泰亨的名羅速臣四百廿一號鹽五百引係江義和錢店備抵贖務局之款當時該店欠繳公款銀一萬兩除將房屋兩所抵質銀四千兩外復以此鄂岸鹽票一張押銀六千兩俟繳款後將票發還註明摺內此外調取淮南總局案卷及鄂岸商冊逐條詳查實無該道私買鹽票之事原奏胡家楨在署藩司任內有慶壽辰廣收屬員饋贈委署一切皆悉求賄賂不恤人言一節查該道上年七月六十生辰僚屬賀客均拒不見為同城所共知惟遠道親戚本家寄送禮物未便即指為苞苴至委署各缺或按資格輪委或因勞績酌委均經詳准兩江總督有案若謂視賄賂為差委則非力之所能及原奏胡家楨性好治遊廣置姬妾取妓為妾一節查該道少年時斷絕不羈役於聲色性好治遊置買姬妾人言嘖嘖實有其事至在滬上納揚妓為妾等事尚無確據原奏其子數人皆散在安徽江西分銷鹽局中充當委員濫支薪水一節查該道長子胡炳垣係兩淮候補運判曾充皖岸合肥分銷局委員次子胡世昌係江西試用知縣曾充西岸饒州分銷局委員均係在差辦事尚非濫支薪水惟該道職任鹽巡其子皆在鹽局當差雖西皖兩岸係兩淮鹽運使專政與該道並無交涉公事究屬不知遠嫌原奏胡家楨總辦江南礦務五年之久毫無成效糜費無數去冬復將所辦礦廠轉賣銀十一萬兩聲言彌補局中虧空實皆吞蝕入己一節查礦務成本甚鉅各省均無速效不獨江南為然該道承辦以來撥用公款皆有冊報可憑祇以資本不繼所得不償所耗上年冬間適有江寧紳士吳國霖等稟請接辦情願先繳所有呈繳票銀十一萬未便接收等語事經稟明有案且銀款並未接收自未能侵吞入己惟礦務由華洋各商合股承辦流弊滋多其如何設法杜絕之處應由總理衙門嚴定章程奏明辦理以上各節或查無確據或事出有因維該道在江南服官三十餘年從前性好治遊本屬不知自愛嗣補授鹽巡道三署藩司一署臬司責任甚重宜如何秉公率屬廉謹自持乃任令其子胡炳垣胡世昌在皖西兩岸充當委員致招物議尤屬不知遠嫌相應請 旨將江南鹽運道胡家楨交部議處至候補道沈敦和業經另摺奏免其再行置議所有查明胡家楨被參各款緣由謹據實覆陳伏乞 皇太后 皇上聖鑒 奏奉 硃批另有旨欽此

授受聲明

啓者予車水第四十二號門牌評香樓原係羅芬譚炳南蔡老三合夥同創茲蔡老三志圖別業願將其自己在評香樓所得之股份頂與羅芬譚炳南二人承受定於本月廿二日交易倘蔡老三有與人往來數項均由蔡老三自理與評香樓無干而評香樓他日生理盈虧亦與蔡老三無涉特此聲明免滋後論 光緒貳拾伍年柒月貳拾壹日 評香樓謹啟

聲明告白

敬啓者我眾米商公議自出字通知日為始此後凡交易糠米各貨項每值元另準配使銅鋪拾三元屆期銅鋪有便則銀鋪兩清荷願還銀折鋪每值元準扣鋪水二元二角五占倘遇銅鋪未便發給本號鋪單予限十天為期期內另準還鋪荷不還鋪願還銀元每值元亦準扣鋪水二元二角五占嗣後鋪水或有漲跌再行集議公道之價倘期內鋪尚未便另寬期三天鋪單須還銀元不得扣水亦不得再有逾期拖延此例經集眾安議唯應一律通行庶幾利益均沾實有厚望焉 大清光緒廿五年七月二十日 大英一千八百九十九年八月廿五號 暹羅郊市橋頭眾米商公啓